



摩訶止觀輔行傳弘決

第四册

隋天台智者大師說

門人章安大師灌頂記

唐荆楚大師湛然傳弘決

明天台沙門傳燈塔影

東方佛學叢刊叢書

隋天台智者大師說
門人章安大師灌頂記

唐荆谿大師湛然傳弘決
明天台沙門傳燈增科

摩訶止觀輔行傳弘決

第四冊



东方佛学资料丛书

智者大師



章安大師



荆谿大師



摩訶止觀輔行傳弘決 目錄

· 參考明天台沙門傳燈大師所作增科編製

第四冊

丁五、識通塞	·····	2727
丁六、道品調適	·····	2779
丁七、對治助開	·····	2865
丁八、知位次	·····	3051
丁九、能安忍	·····	3109

	丁十、無法愛	3124
	乙二、引法華大車以譬十法	3130
(2)	歷緣對境	3138
	甲一、初序來意	3138
	甲二、正釋	3139
	乙一、歷緣	3139
	乙二、對境	3144
	丙一、先約眼色具足十法	3144
	丙二、次例餘五根	3158
(3)	勸修	3159
2	觀煩惱境	3169
(1)	總標來意	3170

(2) 別釋 ·····

甲一、略明其相 ·····

甲二、明因緣 ·····

甲三、明治異 ·····

甲四、修止觀 ·····

3、觀病患境 ·····

(1) 總明來意 ·····

(2) 正釋 ·····

甲一、明病相 ·····

甲二、病起因緣 ·····

甲三、明治法 ·····

甲四、明損益 ·····

3351 · 3321 · 3304 · 3294 · 3293 · 3282 · 3282 · 3205 · 3199 · 3192 · 3177 · 3173

甲五、明止觀

4、觀業相境

(1) 先明來意

(2) 料簡

(3) 開章別解

甲一、相發因緣

甲二、正發相

甲三、料簡

甲四、止觀

3361

3397

3397

3397

3399

3399

3402

3429

3439

摩訶止觀輔行傳弘決卷第七之一

陳隋天台智者大師說 唐荆谿大師湛然傳弘決

門人章安大師灌頂記 明天台沙門傳燈會科

○第五識通塞五初列異名

第五識通塞者亦名知得失亦名知字非字

○次明來意有法譬合就三初法說中三先結前
生後

如上破法徧應通入無生若不入者當尋得失必滯
是非

前破法徧者結前也應入等者生後也俱用三名

以爲生後。故云應入不入。當尋得失。必滯是非。得失祇是有著無著。若同外道。名著名失。當用此門。檢校除失。若無失者。但依前門。破塞存通。是故今門。意在檢校。恐於通中翻起於塞。

○次誠勸

不得一向作解。

若一向作解。唯用破徧。恐於通起塞。於塞無通。所以立此通塞一門。檢彼破徧。令塞得通。使彼破門。於通無塞。

○三正明來意

何者。若同外道。愛著觀空智慧。宜以四句徧破。能破如所破。令衆塞得通。若不執觀空智慧。則能破不如所破。但破塞存通。

於能生著。同彼外道。宜用通塞四句徧破。故知前破徧中。但用能破。破於所破。猶未悟者。必於能所。心生塞著。於能生著。觀法雖正。著心同邪。是故須破。故云。愛著觀空智慧。是故須以四句三假。破能著心。使無立處。破能著智。如所破惑。故云。能破如所破也。雖不愛著。能破之觀。而猶愛著所破之惑。故云。若不愛著。觀空智慧。則能破不如所破。是故

但用破徧破惑是故須以二句分別則使此文與前永異一者通途通塞則以所破爲塞能破爲通二者別相通塞則以於能起著爲塞破塞無著爲通故下文云法相淺深任有通塞况復於中起苦集等上句卽是通途通塞下句卽以別相况之然今此中總有四義一橫通塞二豎通塞三橫別通塞四一心通塞文四義二前三爲成一心故也一皆須四句檢校若於四通而起塞著皆須破塞以存於通如是展轉以破爲期故下文云於一一能一一所一一心皆悉檢校爲是義故立通塞門

所以復須四句分別。一者塞中得通，二者通中有塞，三者塞自是塞，四者通自是通。初之二句，卽是今文別相通塞。後之二句，若塞已破，卽屬破徧。若塞未破，度入今文。成前二句，又第一句兼於兩句。謂通相別相兩意故也。

①次譬

如除膜養珠破賊護將。

舉譬中先譬除膜養珠，但成分喻。若破賊護將，便成徧喻。何者，除膜養珠不可，珠復爲膜，卽濫。第三第四兩句是故更喻破賊護將。將若爲賊，此賊亦

破賊若爲將。此將亦護。如是展轉。將皆爲賊節節。破之卽是此文之正意也。所言膜者。皮間薄膜。此膜覆眼。名爲眼膜。

○三合二。初正合譬。

若爾卽大導師善知通塞。將導衆人。能過五百由旬。若能如是。方能導人。至於寶所。於中先正合譬。次通五百由旬義也。亦通塞之正意也。破塞存通。至寶所故。是故路經五百由旬。經云。導師善知通塞。故用法華將導譬也。是故須破。古今諸釋。方了今文。一心通塞。

○次通五百由句三。先破舊六。初第一師二。初引舊云。六地見思盡爲三百。七地八地爲四百。九地十地爲五百。

○次破

此義與釋論乖。論以二乘爲四百。二乘之道非七地八地。

○次第二師二。初引。

攝大乘人。以三界爲三百。方便因緣兩生死。足爲五百。

○次破

則攝義不盡更有有後生死無後生死屬何百耶

○三第三師二初引

地人以十信住行向地爲五百

○次破

此與法華乖法華過三百由旬作化城此則二百由旬作化城

○四第四師二初引

復有人解三界爲三百二乘足爲五百

○次破

此義三失一出三界外立化城云何二乘出三界外

不入城更行四百五百四百五百之外更無化城何
所可入而稱二乘二者滅化城方可得進城猶未滅
而輒進四百五百三者二乘其入化城云何聲聞爲
四百支佛爲五百

○五第五師二初引。

有人以五住煩惱爲五百。

○次破

然二乘已斷四住應是四百由旬外立化城。

○六第六師二初引。

有人以斷三界思爲三百塵沙爲四百無明爲五百。